

## Часы Пасхи.

Ами́нь. Хри́сто́с воскресе́ из ме́ртвых, / сме́ртию смерть попра́в // и су́щим во гробе́х живо́т дарова́в. (трижды)

Воскресе́ние Хри́сто́во ви́девше, / поклони́мся Свято́му Го́споду Иису́су, / еди́ному безгре́шному, / Кресту́ Твоему́ поклоня́емся, Хри́сте, / и свято́е Воскресе́ние Твое́ поём и сла́вим: / Ты бо еси́ Бог наш, / ра́зве Тебе́ ино́го не зна́ем, / и́мя Твое́ имену́ем. / Прииди́те вси ве́рнии, / поклони́мся Свято́му Хри́стову Воскресе́нию: / се бо при́де Крестом ра́дость все́му ми́ру. / Всегда́ благословя́ще Го́спода, / поём Воскресе́ние Егó: / распя́тие бо претерпе́в, // сме́ртию смерть разруши́. (трижды)

Предваривши́я у́тро, яже о Ма́рии, / и обрети́ши ка́мень отвале́н от гроба́, слы́шаху от А́нгела: / во све́те присносу́щем Су́щаго / с ме́ртвыми что и́щете, я́ко челове́ка? / Ви́дите гробны́я пелены́, тецы́те и ми́ру пропове́дите, / я́ко воста́ Го́сподь, умертви́вый смерть, // я́ко есть Сын Бо́га, спаса́ющаго род челове́ческий.

А́ще и во гроб снизше́л еси́, Безсме́ртне, / но а́дову разруши́л еси́ си́лу / и воскресе́л еси́, я́ко Победите́ль, Хри́сте Бо́же, / жена́м миронóсицам веща́вый: ра́дуйтесь! / И Твои́м апо́столом мир да́руяй, // па́дшим пода́й воскресе́ние.

Во гробе́ плóтски, во а́де же с душе́ю я́ко Бог, / в ра́й же с разбо́йником, и на Престо́ле был еси́ Хри́сте, со Отце́м и Ду́хом, // вся исполня́яй, неопи́санный.

Слава Отцу́ и Сыну́ и Святому́ Ду́ху / Я́ко Живонóсец, я́ко ра́й красне́йший, / вои́стину и черто́га всяка́го ца́рскаго показáся светле́йший, Хри́сте, гроб Твой, // исто́чник на́шего воскресе́ния.

И ны́не и присно и во веки веков. Ами́нь / Вы́шняго освяще́нное Божество́нное селение́, ра́дуйся, / Тобо́ю бо даде́ся ра́дость, Богоро́дице, зову́щим: // благослове́нна Ты в жена́х еси́, Всенепоро́чная Влады́чице.

Го́споди, поми́луй, 40.

Сла́ва Отцу́ и Сыну́ и Святому́ Ду́ху, и ны́не и присно и во веки веков. Ами́нь. / Честне́йшую Херуви́м / и сла́внейшую без сравне́ния Серафи́м, / без ислéния Бо́га Сло́ва ро́ждшую, / су́щую Богоро́дицу Тя велича́ем. // И́менем Го́сподним преосвященнейши́й влады́ка, благослови́.

Ами́нь. Хри́сто́с воскресе́ (трижды), Сла́ва и ны́не, Го́споди поми́луй(трижды), Преосвященнейши́й влады́ка, благослови́.